

সুরক্ষিত শৈশব সফল ভবিষ্যৎ

গ্রামের শিশু সুরক্ষা কমিটির সদস্যদের জন্য শিশুদের সুরক্ষা সম্পর্কিত একটি পথ-নির্দেশিকা

যেসব শিশুদের যত্ন এবং সুরক্ষা প্রয়োজন

শিশু কে?

১৮ বছরের কম বয়সী যে কেউ শিশু।

অ-সুরক্ষিত বা অত্যাচারিত শিশু কারা? কোন শিশুদের যত্ন এবং সুরক্ষা প্রয়োজন?

- যে শিশুর নির্দিষ্ট কোনও বাসস্থান নেই
- কাজ করছে, ভিক্ষা করছে অথবা রাস্তায় থাকছে এমন শিশু
- বাড়ি থেকে পালিয়ে যাওয়া শিশু অথবা হারিয়ে যাওয়া শিশু
- যে শিশুর বাবা-মা তার যত্ন নিতে বা তাকে সুরক্ষা দিতে অপারগ
- যে শিশু অনাথ, বাবা-মা অথবা অভিভাবক দ্বারা পরিত্যক্ত শিশু
- যে শিশু এমন কোনও ব্যক্তির সঙ্গে বাস করে (হতে পারে সেই ব্যক্তি শিশুর আইনমাফিক অভিভাবক) যে শিশুটির ক্ষতি করতে পারে
- শারীরিক অথবা বা মানসিক ভাবে প্রতিবন্ধী শিশু যাকে দেখাশোনা করার জন্য কেউ নেই
- যে শিশু শারীরিক, মানসিক অথবা যৌন নির্যাতন/শোষণের শিকার হয়েছে বা ভবিষ্যতে হতে পারে
- যে শিশু পাচার হয়ে গিয়েছিল বা ভবিষ্যতে পাচার হয়ে যেতে পারে
- বিবেকহীন লাভের জন্য যে শিশুকে ড্রাগের অপব্যবহারে জড়িয়ে ফেলা হয়েছে অথবা ভবিষ্যতে জড়িয়ে ফেলা হতে পারে
- যে শিশু সশস্ত্র সংঘাত, নাগরিক অশান্তি অথবা প্রাকৃতিক বিপর্যয়ের দ্বারা আক্রান্ত অথবা তার শিকার
- বিবাহের বয়সে পৌঁছানোর আগেই যে শিশুর বিবাহের সম্ভাবনা তৈরি হয়েছে

জুভেনাইল জাস্টিস (কেয়ার অ্যান্ড প্রোটেকশন) আইন, ২০১৫ অনুযায়ী এই শিশুরা সকলেই “চিল্ড্রেন ইন নীড অফ কেয়ার অ্যান্ড প্রোটেকশন” – এদের যত্ন এবং সুরক্ষা প্রয়োজন। এই শিশুদের উদ্ধার, পুনর্বাসন, দেখাশোনা, লেখাপড়া এবং সুরক্ষার জন্য উপযুক্ত ব্যবস্থা নেওয়ার দায়িত্ব রাষ্ট্র এবং সরকারের।

এইরকম শিশু পাওয়া গেলে কি করতে হবে?

শিশুটির সম্পূর্ণ বিবরণ সহ নিম্নলিখিত জায়গায় শিশুটির যত্ন এবং সুরক্ষার ব্যবস্থা করার জন্য আবেদন করতে হবে:

- ১) স্থানীয় থানা – জুভেনাইল পুলিশ অফিসার
- ২) ব্লক স্তরের শিশু সুরক্ষা সমিতি
- ৩) ডিস্ট্রিক্ট চাইল্ড প্রোটেকশন ইউনিট
- ৪) জেলার শিশু কল্যাণ সমিতি বা চাইল্ড ওয়েলফেয়ার কমিটি




Society for Peoples' Awareness

Kalimpong Office - Chota Bhalu Khop, Kalimpong, Phone – 9830479172,

Kolkata Office - 66/2, Sarat Chandra Dhar Road, Kolkata – 700090,

Phone – 9331992897, Email – info@spanvoice.org, Website – spanvoice.org



সুরক্ষিত শৈশব সফল ভবিষ্যৎ

গ্রামের শিশু সুরক্ষা কমিটির সদস্যদের জন্য শিশুদের সুরক্ষা সম্পর্কিত একটি পথ-নির্দেশিকা

শিশুরা যদি আইন ভাঙে...

যে শিশুরা বেআইনি কাজ করেছে বা আইন ভেঙেছে তাদের বিচার এবং শাস্তি কি প্রাপ্তবয়স্ক অপরাধীদের মতই হবে?

- না। শিশুরা আইন ভাঙলে স্থানীয় থানার জুভেনাইল পুলিশ অফিসার তাদের ২৪ ঘণ্টার মধ্যে জেলার জুভেনাইল জাস্টিস বোর্ডের কাছে হাজির করবেন।
- শিশুদের কোনোভাবেই হ্যান্ড-কাফ লাগানো যাবেনা, থানার লক-আপে অথবা জেলে রাখা যাবে না।
- পুলিশ শিশুটিকে হেফাজতে নেওয়ার সঙ্গে সঙ্গে শিশুটির বাবা-মা অথবা অভিভাবক কে খবর দেবেন।
- শিশুটিকে জুভেনাইল জাস্টিস বোর্ডের নির্দেশ অনুযায়ী বিশেষ হোম-এ কিছুদিন রাখা যাবে, শিশুটির কাউনসেলিং, চিকিৎসা, পুনর্বাসন, পরিবারে ফিরিয়ে দেওয়া সবই, জুভেনাইল জাস্টিস বোর্ডের নির্দেশ অনুযায়ী হবে।

এই রকম শিশু পাওয়া গেলে কি করতে হবে?

- শিশুটিকে স্থানীয় থানার জুভেনাইল পুলিশ অফিসারের হেফাজতে দিতে হবে।
- পুলিশ শিশুটির দায়িত্ব নেওয়া পর্যন্ত তাকে সুরক্ষিত রাখতে হবে।
- শিশুটির পরিচয় গোপন রাখতে হবে।

জুভেনাইল জাস্টিস (কেয়ার অ্যান্ড প্রোটেকশন) আইন, ২০১৫ অনুযায়ী এই শিশুদের পুনর্বাসন, দেখাশোনা, লেখাপড়া এবং সুরক্ষার জন্য উপযুক্ত ব্যবস্থা নেওয়ার দায়িত্ব রাষ্ট্র এবং সরকারের।




Society for Peoples' Awareness

Kalimpong Office - Chota Bhalu Khop, Kalimpong, Phone – 9830479172,

Kolkata Office - 66/2, Sarat Chandra Dhar Road, Kolkata – 700090,

Phone – 9331992897, Email – info@spanvoice.org, Website – spanvoice.org



সুরক্ষিত শৈশব সফল ভবিষ্যৎ

গ্রামের শিশু সুরক্ষা কমিটির সদস্যদের জন্য শিশুদের সুরক্ষা সম্পর্কিত একটি পথ-নির্দেশিকা

শিশু শ্রমিক

শিশু শ্রমিক কারা? কোন শিশুদের কোন কাজ করা আইনত নিষিদ্ধ?

১৪ বছরের কম বয়সী শিশু

- ১৪ বছরের কম বয়সী শিশুদের কোনও কাজেই নিযুক্ত করা যাবে না।
- এই শিশুরা স্কুলের সময় বাদ দিয়ে এবং স্কুলের ছুটির সময়, পারিবারিক ব্যবসাতে সে সব কাজ বিপদজনক নয় সেই সব কাজে পরিবার কে সাহায্য করতে পারবে। কিন্তু শিশুরা বড়দের পরিবর্ত হিসাবে কাজ করতে পারবে না।
- পরিবার মানে হল বাবা-মা, নিজের ভাই-বোন এবং বাবা/মার নিজের ভাই-বোন।
- ১৪ বছরের কম বয়সী শিশুরা শিল্পী হিসাবে বিনোদন শিল্পে কাজ করতে পারবে এবং খেলোয়াড় হিসাবে সার্কাস ছাড়া বাকি খেলাধুলায় অংশ নিতে পারবে।

১৪-১৮ বছর বয়সী শিশু

- ১৪ থেকে ১৮ বছর বয়সী শিশুরা আইন-নির্দিষ্ট কিছু বিপদজনক পেশায় কাজ করতে পারবে না।
- বাকি পেশায় তাদের নির্দিষ্ট কিছু নিয়ম-কানুন মেনে নিয়োগ করতে হবে।

শিশুশ্রমের বিষয়ে উপরে উল্লিখিত নিয়ম-কানুন এবং নিষেধাজ্ঞা চাইল্ড এন্ড অ্যাডলোসেন্ট লেবার (প্রিভিশন এন্ড রেগুলেশন) অ্যাক্ট, ১৯৮৬ –এ নির্দিষ্ট করা আছে। আইনের নিষেধ না মেনে শিশু শ্রমিক নিয়োগ শাস্তিযোগ্য অপরাধ।

শিশু শ্রমিক যদি খুঁজে পাওয়া যায় তাহলে কি করতে হবে?

শিশু শ্রমিক খুঁজে পেলে তার পরিবার, নিয়োগকর্তা এবং স্কুলের সঙ্গে কথা বলে এবং আলোচনা করে তাকে শ্রম থেকে মুক্ত করে স্কুলে ভর্তি করার চেষ্টা করতে হবে।

আলোচনায় সমস্যার সমাধান সম্ভব না হলে শিশু শ্রমিকের সম্পর্কে বিবরণ সহ নিম্নলিখিত স্থানে অভিযোগ জানাতে হবে:

- ১) স্থানীয় থানা – জুভেনাইল পুলিশ অফিসার
- ২) ব্লক স্তরের শিশু সুরক্ষা সমিতি
- ৩) স্পেশাল জুভেনাইল পুলিশ ইউনিট
- ৪) ডিস্ট্রিক্ট নোডাল অফিসার
- ৫) ডিস্ট্রিক্ট টাস্ক ফোর্স ফর চাইল্ড লেবার
- ৬) ডিস্ট্রিক্ট চাইল্ড প্রোটেকশন ইউনিট
- ৭) পেন্সিল পোর্টাল – অনলাইনে অভিযোগ দায়ের করা যাবে




Society for Peoples' Awareness

Kalimpong Office - Chota Bhalu Khop, Kalimpong, Phone – 9830479172,

Kolkata Office - 66/2, Sarat Chandra Dhar Road, Kolkata – 700090,

Phone – 9331992897, Email – info@spanvoice.org, Website – spanvoice.org



সুরক্ষিত শৈশব সফল ভবিষ্যৎ

গ্রামের শিশু সুরক্ষা কমিটির সদস্যদের জন্য শিশুদের সুরক্ষা সম্পর্কিত একটি পথ-নির্দেশিকা

হারিয়ে যাওয়া এবং পাচার হয়ে যাওয়া শিশু

হারিয়ে যাওয়া শিশু কাদের বলব?

যে শিশু নিজের ইচ্ছায় বা দুর্ঘটনা, প্রাকৃতিক বিপর্যয় প্রভৃতি কারণে তার পরিবারের থেকে আলাদা হয়ে গেছে।

যে শিশু কে কেউ ভুলিয়ে-ভালিয়ে বা অপহরণ করে পরিবারের ঠেকে আলাদা করে নিয়ে গেছে।

পাচার হয়ে যাওয়া শিশু কারা?

যে শিশু কে ভুলিয়ে-ভালিয়ে, ধোঁকা দিয়ে, জোর করে, অর্থের বিনিময়ে অথবা লোভ দেখিয়ে তাদের পরিবার থেকে বিচ্ছিন্ন করে দেওয়া হয়েছে এবং তাদের দিয়ে অবৈধ কাজ করানো হচ্ছে, দাসত্ব করানো হচ্ছে, যৌন ব্যবসা করানো হচ্ছে, বিক্রি করে দেওয়া হচ্ছে অথবা নানাভাবে তাদের শোষণ করা হচ্ছে।

এই ক্ষেত্রে শিশুটি নিজের ইচ্ছায় পরিবার ছেড়ে চলে গেলেও বা নিজের ইচ্ছায় এসব কাজ করতে রাজি হলেও সেটা ধর্তব্যের মধ্যে আসবে না। তাতে পাচারকারীদের অপরাধ কম হবে না।

হারিয়ে যাওয়া এবং পাচার হয়ে যাওয়া শিশুদের মধ্যে তফাৎ কি?

হারিয়ে যাওয়া শিশুর পাচার হয়ে যাওয়ার জোরালো সম্ভাবনা আছে। তাই মাননীয় সুপ্রিম কোর্টের নির্দেশ অনুযায়ী হারিয়ে যাওয়া শিশু অভিযোগ এফ আই আর হিসাবে রেজিস্টার করতে বলা হয়েছে।

হারিয়ে যাওয়া এবং পাচার হয়ে যাওয়া শিশুদের খবর পেলে কি করতে হবে?

খবর পাওয়ার সঙ্গে সঙ্গে হারিয়ে যাওয়া/পাচার হয়ে যাওয়া শিশুটির ছবি এবং বিবরণ সহ নিকটবর্তী থানায় অভিযোগ জানাতে হবে। দেখতে হবে পুলিশ যেন অভিযোগটিকে এফ আই আর হিসাবে রেজিস্টার করে।

শিশুটির বাবা-মা এবং আইনি অভিভাবক ছাড়াও যেকোনো ব্যক্তি খবরটি জানেন এবং শিশুটি সম্পর্কে চিন্তিত থানায় অভিযোগ জানাতে পারেন।

স্থানীয় থানার সঙ্গে সঙ্গে স্পেশাল জুভেনাইল পুলিশ ইউনিট, অ্যান্টি হিউম্যান ট্রাফিকিং ইউনিট –এ অভিযোগ জানানো যেতে পারে।




Society for Peoples' Awareness

Kalimpong Office - Chota Bhalu Khop, Kalimpong, Phone – 9830479172,

Kolkata Office - 66/2, Sarat Chandra Dhar Road, Kolkata – 700090,

Phone – 9331992897, Email – info@spanvoice.org, Website – spanvoice.org



সুরক্ষিত শৈশব সফল ভবিষ্যৎ

গ্রামের শিশু সুরক্ষা কমিটির সদস্যদের জন্য শিশুদের সুরক্ষা সম্পর্কিত একটি পথ-নির্দেশিকা

যে শিশু বাল্যবিবাহের শিকার

বাল্য বিবাহ কাকে বলা হবে? কত বয়স হলে বিবাহ করা যাবে?

১৮ বছরের কম বয়সী মেয়ের অথবা ২১ বছরের কম বয়সী ছেলের বিবাহ হলে তাকে বাল্য বিবাহ বলা হবে।

প্রহিবিশন অফ চাইল্ড ম্যারেজ অ্যাক্ট, ২০০৬ অনুযায়ী ভারতে বাল্য বিবাহ নিষিদ্ধ।

বাল্য বিবাহ দেওয়া, বাল্যবিবাহে সাহায্য করা অথবা বাল্যবিবাহ সমর্থন করা দণ্ডনীয় অপরাধ। এমনকি কোন প্রাপ্তবয়স্ক মহিলা বা পুরুষের যথাক্রমে ২১ বছরের কম বয়সী ছেলে বা ১৮ বছরের কম বয়সী মেয়েকে বিবাহ করাও শাস্তিযোগ্য অপরাধ।

ভারতে বিবাহের আইন সন্মত বয়স মেয়েদের ক্ষেত্রে ১৮ বছর বা তার বেশী এবং ছেলেদের ক্ষেত্রে ২১ বছর বা তার বেশী।

বাল্য বিবাহ হচ্ছে বা হওয়ার সম্ভাবনা আছে এই খবর পেলে বাল্য বিবাহ বন্ধ করার জন্য কাকে অভিযোগ জানাতে হবে? কে অভিযোগ জানাতে পারে?

বাল্যবিবাহের খবর পেলে সেটা বন্ধ করার জন্য সে কেউ অভিযোগ বা আবেদন জানাতে পারেন।

অভিযোগ জানাতে হবে স্থানীয় থানায় (জুভেনাইল পুলিশ অফিসার অথবা যে কোন অফিসারের কাছে), জেলা স্তরে অবশ্যই চাইল্ড ম্যারেজ প্রহিবিশন অফিসারের কাছে এবং ডিস্ট্রিক্ট চাইল্ড প্রোটেকশন অফিসারের কাছে অভিযোগ জানাতে হবে।

কিন্তু অভিযোগ জানানোর আগে বাল্যবিবাহ বন্ধ করার জন্য অবশ্যই বাল্য বিবাহের উদ্যোক্তা – শিশুটির অভিভাবক এবং পরিবারের সঙ্গে কথা বলে, তাদের বুঝিয়ে বাল্য বিবাহ বন্ধ করার প্রচেষ্টা নিতে হবে।

কোনোভাবেই যদি বাল্য বিবাহ বন্ধ না করা যায় তাহলে নির্দিষ্ট জায়গায় অভিযোগ দায়ের করে আইনি পদক্ষেপ নিতেই হবে।




Society for Peoples' Awareness

Kalimpong Office - Chota Bhalu Khop, Kalimpong, Phone – 9830479172,

Kolkata Office - 66/2, Sarat Chandra Dhar Road, Kolkata – 700090,

Phone – 9331992897, Email – info@spanvoice.org, Website – spanvoice.org



সুরক্ষিত শৈশব সফল ভবিষ্যৎ

গ্রামের শিশু সুরক্ষা কমিটির সদস্যদের জন্য শিশুদের সুরক্ষা সম্পর্কিত একটি পথ-নির্দেশিকা

যে শিশু যৌন নির্যাতনের শিকার

শিশু কে?

১৮ বছরের কম বয়সী যে কেউ শিশু।

কোন শিশুকে যৌন নির্যাতনের শিকার বলা যাবে?

যে শিশুর সঙ্গে যৌন কার্যকলাপ করা হয়েছে যারা সেই কার্য কলাপের মর্ম বোঝার মত মানসিক ভাবে পরিণত হয়নি,

যে শিশুকে যৌন কার্যকলাপে বা যৌন মিলনে ভুল বুঝিয়ে অথবা জোর করে বাধ্য করা হয়েছে, যৌন নির্যাতন বা যৌন কার্যকলাপ শুধু শিশুটির সঙ্গে যৌন মিলন নয়, শিশুটির যৌনাঙ্গ স্পর্শ করা বা শিশুটিকে দিয়ে অপরের যৌনাঙ্গ স্পর্শ করানো, যৌনাঙ্গ প্রদর্শন করা বা করানো, শিশুকে পর্নোগ্রাফি দেখানো বা পর্নোগ্রাফিতে অংশগ্রহণ করানো, এসবই শিশুদের যৌন নির্যাতন করার মধ্যেই পরে।

শিশুর সঙ্গে যৌন মিলন বা যৌন কার্যকলাপে শিশুর সম্মতি থাকলেও এই কাজ অপরাধ।

শিশুর উপর যৌন নির্যাতন বা শিশুর সঙ্গে যৌন কার্যকলাপ কি শাস্তিযোগ্য অপরাধ?

প্রোটেকশন অফ চিলড্রেন ফ্রম সেক্সুয়াল অফেন্সেস অ্যাক্ট ২০১২ অনুযায়ী শিশুর উপর যৌন নির্যাতন বা শিশুর সঙ্গে যৌন কার্যকলাপ শাস্তিযোগ্য অপরাধ।

শিশুর উপর যৌন নির্যাতনের খবর পেলে কোথায় কিভাবে অভিযোগ করতে হবে?

শিশুর উপর যৌন নির্যাতন বা শিশুর সঙ্গে যৌন কার্যকলাপের ঘটনার খবর পেলে পুলিশের কাছে খবর জানানো বা অভিযোগ দায়ের করা বাধ্যতামূলক। এই ঘটনার খবর জানা থাকলে পুলিশে না জানানো বা রিপোর্ট নয় করা শাস্তিযোগ্য অপরাধ।

অভিযোগ করতে হবে নিম্নলিখিত জায়গায়:

- ১) স্থানীয় থানা
- ২) স্পেশাল জুভেনাইল পুলিশ ইউনিট

প্রোটেকশন অফ চিলড্রেন ফ্রম সেক্সুয়াল অফেন্সেস অ্যাক্ট ২০১২ অনুযায়ী শিশুর উপর যৌন নির্যাতন বা শিশুর সঙ্গে যৌন কার্যকলাপের ঘটনার রিপোর্টিং, অনুসন্ধান, বিচার প্রক্রিয়া ইত্যাদি শিশু বান্ধব পরিবেশে শিশুর স্বার্থের কথা সবার আগে রেখে করতে হবে।



Society for Peoples' Awareness

Kalimpong Office - Chota Bhalu Khop, Kalimpong, Phone – 9830479172,

Kolkata Office - 66/2, Sarat Chandra Dhar Road, Kolkata – 700090,

Phone – 9331992897, Email – info@spanvoice.org, Website – spanvoice.org